



ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНING ИЖТИМОЙ-СИЁСИЙ ГАЗЕТАСИ



# milliy

№ 36 (1086) 2020 йил 30 сентябрь, chorshanba

tiklanish



1 OKTYABRЬ – УСТОЗ ВА МУРАББИЙЛАР КУНИ

ТАРАҚҚИЁТГА ХИЗМАТ ҚИЛАДИГАН «ЙЎЛ ХАРИТАСИ» 3с

БУЮК ХАЛҚНИНГ БУЮК ФАРЗАНДИ 7

## Ҳеч кимга осон бўлмайди!

Президент Шавкат Мирзиёевнинг БМТ Бош Ассамблеясининг 75-юбилей сессиясидаги нутқида илгари сурилган ташаббуслар Ўзбекистон «Миллий тикланиш» демократик партиясининг ғоя ва мақсадларидан келиб чиққан ҳолда атрофлича муҳокама қилинди.

**«МАРКАЗИЙ ОСИЁ ЖАҲОН ЦИВИЛИЗАЦИЯЛАРИ ЧОРРАҲАСИДА» МАВЗУИДАГИ ХАЛҚАРО ФОРУМ МАРКАЗИЙ ОСИЁНИНГ УМУМИЙ МАДАНИЯТИГА «ШҮНҒИШ» ИМКОНИНИ БЕРАДИ»**

Одри Азуле  
ЮНЕСКО Бош директори



Давоми 2-бетда

Видеоконференсалоқа шаклида ўтказилган тадбирда асосий эътибор давлатимиз раҳбарининг ташаббуслари ижросини таъминлашда партия олдида турган

вазифаларга қаратилди. – 2020 йилнинг 23 сентябрь санаси Ўзбекистон тарихига алоҳида саҳифаларда битиб қўйилади, – деди Олий Мажлис

Қонунчилик палатаси депутати, танқили ёзувчи Хуршид Дўстмухаммедов. – Шу куни БМТнинг юксак минбаридан илк мартаба улуг Навоий тили жаранглади!



Нурдинжон ИСМОИЛОВ,  
Олий Мажлис  
Қонунчилик  
палатаси  
спикери

«...Биз бугунданоқ чуқур илмий асосларга таянган, ҳуқуқни қўллаш амалиётининг ўзига хос хусусиятларини кенг инобатга олган ҳолда, Пандемиялар даврида давлатларнинг ихтиёрий мажбуриятлари тўғрисидаги халқаро кодекс лойиҳасини тайёрлашга киришимиз зарур. Кодексда ҳар бир давлатнинг эпидемиологик жиҳатдан инқирозли вазиятларда фуқароларнинг соғлиғи ва ҳаёти муҳофаза қилинишини таъминлаш доирасида ўз фуқаролари ва халқаро ҳамкорлари олдидаги мажбуриятларини акс эттиришга эришимиз ниҳоятда муҳимдир».

БУГУННИНГ ГАПИ

### Ўзбек миллий рақсининг жаҳон рақс санъатидаги ўрни беқиёс

Май ойида бир қатор интернет нашрлари ва ижтимоий тармоқларда америкаликларнинг «Лазги»ни онлайн тарзда ўрганаётганликлари ҳақида ёзилганида, жаҳон аҳлининг санъат, маданият ва қадриятларимизни эътироф этаётганидан гурурлангандим. Чиндан ҳам етти ёшдан етмиш ёшгача бўлганлар, ҳатто бошқа миллат вакиллари ҳам бирдек завқлантира оладиган «Лазги» фақат бизда бор! Давлатимиз раҳбарининг куни кеча қабул қилинган «Лазги» халқаро рақс фестивалини ташкил этиш ва ўтказиш тўғрисидаги қарори «Хоразм лазги рақси» санъатининг асрий анъаналарини сақлаш ва ривожлантириш орқали халқлар ўртасидаги дўстлик, биродарлик ришталарини мустаҳкамлаш, халқаро миқёсда ижодий ҳамкорлик кўлами ва маданий алоқаларни янада кенгайтиришга хизмат қилади, албатта.

Давоми 5-бетда

### Хатолардан хатоларгами?

4с Блогер Зафарбек Солижоновнинг ҳақли эътирозлари

ИСЛОҲОТ

2с

Ушбу ташаббусни кескин ва мурасиз рақобат муҳити ҳамда ишончсизликдан хасталанаётган дунёга ўзига хос «вакцина» тақдим этиш таклифига қиёслаш мумкин.



«ҚАТАҒОН КЕЛАЖАГИ»

ЖИНОЯТГА ҚЎЛ УРМОҚДА 5



### Ўзбекистон – Тожикистон сиёсий маслаҳатлашуви тўғрисида

Душанбе шаҳрида Ўзбекистон ва Тожикистон ташқи ишлар вазирлари Абдулазиз Комилов ва Сирожиiddин Мухриддин икки томонлама ҳамкорликнинг ҳозирги ҳолати ва истиқболи тўғрисида сиёсий маслаҳатлашув ўтказди.

Мулоқот чоғида сиёсий, савдо-иқтисодий, инвестиция, сув-энергетика, транспорт-коммуникация ва бошқа соҳалардаги ҳамкорлик ҳамда БМТ, ЕХҲТ, ШҲТ, МДХ, Ислон ҳамкорлик Ташкилоти, Оролни кутқариш халқаро жамғармаси каби тузилмалар доирасидаги алоқаларни янада фаоллаштириш масаласи муҳокама қилинди. Давлат раҳбарларининг қатъий сиёсий иродаси ва қўллаб-қувватлаши натижасида Ўзбекистон — Тожикистон муносабатлари сўнгги йилларда сифат жиҳатдан янги даражага кўтарилгани ва бу борада барқарор ўсиш суръати кузатилгани қайд этилди. Икки мамлакат ўртасидаги савдо айланмаси мисли кўрилмаган даражада ортиб бораётди. 2019 йил якунларига кўра, ушбу кўрсаткич 500 миллион АҚШ долларини ташкил этди. Коронавирус инфекцияси пандемияси билан боғлиқ чеклов чораларига қарамай, жорий йил январь – июль ойларида ўзаро товар айрибошлаш ҳажми 7,5 фоиз ўсиб, 255,4 миллион долларни ташкил этгани таъкидланди. Вазирлар пандемия шароитида кўрсатилаётган ўзаро кўмак Ўзбекистон ва Тожикистон ўртасидаги дўстлик, яқин ҳамкорлик муносабатларидан гувоҳлик беришини эътироф этдилар. Музокара давомида Қирғизистонда ўтказилиши режалаштирилган Марказий Осиё давлатлари раҳбарларининг Учинчи Маслаҳатлашув учрашувига тайёргарликнинг бориши тўғрисида ҳам фикр алмашилди.

ЎзА

БЕРУНИЙ АЛИМОВНИ

4с танқид қилмоқчиман!

БЕПУЛ КУРСДА

4с ўқишни хоҳлайсизми?

ЁШЛАР

5с ҳуқуқининг таъминланиши ишончли келажак кафолатидир



БМТ шафелигида минтақанинг мураккаб муаммоларидан бири бўлган транспорт коммуникациясини мувофиқлаштирувчи минтақавий марказ ташкил этиши жаҳон транспорт артерияларидан анча узоқда жойлашган, қулайлиги билан ҳам мақтана олмайдиган ҳудудда янги имкониятлар эшигини очиб беради.



# Минтақа тақдирини ўзгартиришга қаратилган тарихий ташаббуслар

Ўзбек халқи азалдан дунёни илм-маърифат ва бағрикенгликка даъват қилиб, бунга эришиш йўлларини таклиф этиб келган. Ана шундай маърифатли халқнинг вакили бўлган Президент Шавкат Мирзиёев зиддиятлар иси келиб турган минтақада ниҳоятда қисқа муддатда ўзaro ишончга асосланган ҳамкорлик ва ҳамжиҳатлик муҳитини яратишга муваффақ бўлди. Ўзбекистон Марказий Осиё минтақасида ҳар томонлама муҳим роль ўйнаган давлат эканини бугун ҳеч ким рад этолмайди.

Собиқ иттифоқ тугатилганидан кейинги дастлабки 25 йил давомида айнан Ўзбекистоннинг ташаббускорлиги етишмагани минтақада барча мамлакатларга бирдек зарар келтирган келишмовчиликларга сабаб бўлди. Ҳудудда тинчлик ва барқарорлик руҳини тиклаган, янги муҳит яратган Ўзбекистон раҳбари томонидан БМТнинг 75-сессиясида Марказий Осиёнинг ҳамкорликдаги тараққиётига хизмат қиладиган умумий манфаат ва ривожланишга ҳалақит бераётган муаммоларга алоҳида ургу берилгани шу маънода ўринли бўлди.

Муҳим ташаббус ва таклифлар илгари сурилган маърузада учта муҳим таклифни алоҳида таъкидлашни хоҳлардим:

Биринчиси, бу – Афғонистонни минтақанинг ажралмас қисми эканини яна бир бор эътироф этиш билан бир қаторда жафокаш қўшниларимиз юртида тинчлик ва тараққиётни таъминлаш учун БМТда маҳсул қўмита ташкил этиш зарурлиги ҳақидаги ташаббусдир. Шунинг билан бир қаторда, минтақанинг глобал иқтисодий ва транспорт оқимларига интеграциялашишидан унчалар манфа-

атдор бўлмаган кучлар учун айнан Афғон муаммосини бар்தараф этишнинг самарали мувофиқлаштирилмаётгани қўл келмаётгани шубҳасиз. Шу сабабли ушбу ташаббус минтақада бардавом тинчликни таъминлаш учун воз кечиш бўлмас зарурат сифатида қабул қилиниши мақсадга мувофиқдир. Энг асосийси минтақанинг дунёга очилишида муҳим аҳамиятга эга бўлган Афғонистонда тинчликни таъминлаш Марказий Осиё тараққиётига ҳам кенг йўл очади.

Иккинчидан, БМТ шафелигида минтақанинг мураккаб муаммоларидан бири бўлган транспорт коммуникациясини мувофиқлаштирувчи минтақавий марказ ташкил этиш жаҳон транспорт артерияларидан анча узоқда жойлашган, қулайлиги билан ҳам мақтана олмайдиган ҳудудда янги имкониятлар эшигини очиб беради. Ва, бу Марказий Осиёнинг иқтисодий тараққиёти учун ҳам жиддий туртки бўлади. Айни пайтда эса минтақа давлатларининг глобал иқтисодий жараёнлар ва транспорт коммуникацияларига интеграциялашиш йўлидаги интилишларини бирлаштирмай туриб, жиддий натижаларга эришиб

бўлмаслиги ҳеч кимга сир эмас. Учунчидан, пандемиялар даврида мамлакатларнинг ўз халқлари ва жаҳон ҳамжамияти олдидаги ихтиёрий мажбуриятлари тўғрисидаги Халқаро кодекснинг қабул қилинишига оид ташаббус мураккаб шароитда инқирозни бошқаришда юзага келган ички ва ташқи муаммоларни бар்தараф этиш имконини беради. Ушбу ташаббуснинг инсон ва унинг ҳуқуқларини устувор, инсон саломатлиги ва ҳавфсизлиги таъминлишини эса ўзи учун асосий вазифа деб белгиланган Ўзбекистон раҳбари томонидан илгари сурилган ҳам бежиз эмас. Яъни, мураккаб шароитда давлат ва халқ ҳамжиҳатлигининг юксак намунасини кўрсата олган Ўзбекистон бугунга келиб, дунё давлатларига ўз ижобий тажрибасидан келиб чиққан ҳолда жуда муҳим таклиф киритмоқда. Бу ташаббус қабул қилинса, шубҳасиз, нафақат Марказий Осиё, бутун дунё давлатлари учун ҳам долзарб ва муҳим аҳамиятга эга ҳужжат пайдо бўлади. Шу билан бирга ушбу кодекс орқали қабул қилинадиган ихтиёрий мажбуриятлар яқин келажақда

ўзaro ишончга путур етган, икки хил стандартлар сиёсати кенг қўлланилаётган мураккаб ва айни пайтда кескин рақобат майдонига айланиб бораётган дунё ҳамжамияти учун ўзaro ишонч вакцинасига айланиши ҳам мумкин.

Ўзaro ишончга путур етган, икки хил стандартлар сиёсати кенг қўлланилаётган мураккаб ва айни пайтда кескин рақобат майдонига айланиб бораётган дунё ҳамжамияти учун ўзaro ишонч вакцинасига айланиши ҳам мумкин.

Ўзaro ишончга путур етган, икки хил стандартлар сиёсати кенг қўлланилаётган мураккаб ва айни пайтда кескин рақобат майдонига айланиб бораётган дунё ҳамжамияти учун ўзaro ишонч вакцинасига айланиши ҳам мумкин.

Алишер ҚОДИРОВ,  
Олий Мажлис  
Қонунчилик палатаси  
Спикери ўринбосари,  
Ўзбекистон «Миллий  
тикланиш» демократик  
партияси Марказий  
кенгаши раиси

Мулоқот майдони

# Ҳеч кимга осон бўлмайди!



Давлатимиз раҳбари алоҳида таъкидлаб ўтган қатор масалалар – пандемия даврида давлатларнинг ўз халқи олдидаги масъулиятини ошириш, Афғонистон масаласида БМТ ҳузурида алоҳида қўмита тузиш, ёшлар ҳаётини тўғри йўлга қўйиш, уларни келгуси ҳаётга муносиб тарбиялаш, жамиятда аёллар фаоллигига эришиш, глобал иқлим ўзгаришлари асоратини камайтириш, барча давлатлар парламентлари фаолиятини янги босқичга кўтаришга

доир таклиф ва мулоҳазалар ўзининг ҳаётийлиги ва долзарблиги билан ҳам диққатга сазовордир.

– БМТ сессиясида сўзга чиққан 20 га яқин давлатлар раҳбарларининг маърузалари билан танишдим. – деди партия Марказий кенгаши раиси ўринбосари Феруза Мухамеджанова. – Энг аниқ ва оддий одамлар манфаати ифодаланган ташаббуслар айтиш жоизки, давлатимиз раҳбари маърузасида янгради. Маълумки, БМТда олти

тадбирда Ўзбекистон раҳбарининг халқаро транспорт қатновини мувофиқлаштириш, пандемия даврида давлатларнинг ихтиёрий мажбуриятлари тўғрисидаги халқаро кодексини ишлаб чиқиш, Афғонистонда барқарорликка эришиш, дунё миқёсида қашшоқлик ва камбағалликни бар்தараф этиш ҳамда ёшлар ҳуқуқлари тўғрисидаги халқаро конвенцияни қабул қилиш борасидаги таклифлари бежиз халқаро экспертлар эътиборини тортмаётгани таъкидланди.

– Биргина Транспорт-коммуникация алоқаларини ривожлантириш бўйича минтақавий марказ фаолиятининг йўлга қўйилиши барча мамлакатлар учун бирдек қулайликлар яратади. – деди Олий Мажлис Қонунчилик палатаси депутаты Фарҳод Зайниев. – Хусусан, инфратузилмани яхшилаш, мослашувчан тарифлар қўллаш, янги истиқболли йўналишларни шакллантириш орқали биргина Ўзбекистоннинг ҳозирги транзит салоҳияти 7 миллиондан 16 миллион тоннага ошиши мумкин. Маълумки, дунёнинг 44 та давлати, жумладан, Ўзбекистонда тўғридан тўғри океанга чиқиш имконияти йўқ. Бирок жаҳон мамлакатларининг 42 таси бир мамлакат чегарасидан ўтиб, океанга чиқса, Ўзбекистон денгизга чиқиш учун камида икки мамлакат ҳудудини кесиш ўтиши лозим. Океанга чиқиш учун эса энг яқин йўл бу – Афғонистон орқалидир.

БМТ ҳузурида афғон халқининг дарду ташвиши ва муаммолари билан шуғулланадиган доимий фаолият юритувчи қўмита ташкил этиш ҳақидаги таклиф ҳам ҳеч кимни бефарқ қолдирмади.

Маърузада, шунингдек, 2021 йилда Ўзбекистон Хива шаҳрида «Марказий Осиё жаҳон цивилизациялари чорраҳасида» мавзусида халқаро форум ўтказишга тайёр экани маълум қилинди. Энг муҳими ушбу ташаббус ЮНЕСКО мутасаддиларида жуда катта қизиқиш уйғотди. Жумладан, ЮНЕСКО Бош директори Одри Азуле тонам Давлатимиз раҳбари ташаббусини қўллаб-қувватлаб,

халқаро форум Марказий Осиёнинг умумий маданиятига «шўнғиш» имкониятини яратишини таъкидлади.

– Давлатимиз раҳбари яна бир бор ёшлар ҳуқуқлари тўғрисидаги халқаро конвенцияни қабул қилиш таклифини илгари сурдилар, – деди тадбирда партия Марказий кенгаши раиси ўринбосари Миродил Абдураҳмонов. – Бу гога илк бор Президентимиз томонидан БМТ Бош Ассамблеясининг 2017 йил 19 сентябрдаги 72-сессиясида илгари сурилган эди. Маълумки, айни пайтда дунё аҳолисининг 2 миллиарддан ортигини ёшлар ташкил қилса-да, ҳанузгача ёшларга оид муаммоларни самарали ечишга қаратилган халқаро ҳуқуқий ҳужжат ишлаб чиқилмаган. Шиддат билан ўзгараётган бугунги жараёнлар эса ёшлар ҳуқуқини ҳимоя қилиш, уларнинг сиёсий-ижтимоий ва ҳуқуқий манфаатларини таъминлашга оид механизмларни такомиллаштиришни тақозо этмоқда. Шу боис ҳам Ўзбекистонда кейинги йилларда ушбу масалага алоҳида эътибор қаратилмоқда.

Игилишда партиянинг Қорақалпоғистон Республикаси Жўқорғи кенгеси раиси Тажибай Романов, Хоразм вилояти кенгаши раиси Ражаббой Рўзметов, Навоий вилояти кенгаши раиси Илҳом Ражабов, Сурхондарё вилояти кенгаши раиси Сайдулло Абдураимов ва Сирдарё вилоят кенгаши раиси Норбобо Соатовлар сўзга чиқиб, жаҳон ҳамжамияти томонидан ҳам эътироф этилаётган ташаббуслар фидоси ҳар бери миждан ижрокора меҳнат қилишни тақозо этишини таъкидладилар.

Тадбир якунида давлатимиз раҳбари томонидан илгари сурилган ташаббусларнинг ниҳоятда долзарб эканидан келиб чиқиб, амалга ошириладиган чора-тадбирлар бўйича «Йўл харитаси»ни ишлаб чиқиш ва унинг ижроси доирасида қатор амалий тадбирларни ўтказиш тўғрисида қарор қабул қилинди.

Равшан МАҲМУДОВ,  
журналист

“  
Партия давлат хизматчиларининг мақомини қонун даражасида мустаҳкамлаш, давлат хизматчисининг билим, малака, қобилият ва лаёқатлилик талаблари асосида холис танлаш тизимини жорий этиш, ёш миллий кадрлар захирасини шакллантириш, уларни давлат хизматида тизимли равишда тавсия этиш тарафдори.

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНИНГ САЙЛОВЛДИ ДАСТУРИДАН





Дунё тузоқдир, дони ҳою-хавасдир. Жалолиддин Румий

БЕРУНИЙ АЛИМОВНИ ТАНҚИД ҚИЛМОҚЧИМАН!



Ўтган ҳафта тахририятга бир йигит кўнғироқ қилиб, таниқли журналист ва олим Беруний Алимов билан ходимларимизнинг қандай муносабатда экани билан қизиқиб қолди. Нотаниш мурожаатчининг кутилмаган саволига жавоб қайтаришдан аввал нега бу масала билан қизиқётганини сўрадим. Газетангизда домланинг бир хабарда йўл қўйган хатоларига муносабат билдирмоқчи эдим, — деди мурожаатчи. Қайси хабарига, — сўрадим баттар қизиқиб. Беруний ака билан яхши таниш экансиз-да. Ҳа, йигирма йиллардан бери биламан. Қандай хабар ҳақида гапиряпсиз? Таниш бўлсангиз унда барибир танқидимни бермайсиз... Мулоқотимиз тугамай туриб, телефонимда «тутулаган» овоз эшитилди. Анча кутдим. Ҳафта якунигача Беруний Алимовни танқид қилмоқчи бўлган йигитдан ҳам, ҳамкасбимизни фовш этувчи хабардан ҳам дарак бўлмади. Лекин кеча — душанба кuni имзосиз СМС хабар олдим. Унда бир-йўғи 6 та сўздан иборат бир жумла бор эди: «Холис бўлсангиз ушбу мулоҳазаларимни эълон қиласиз...» Мулоҳазалар билан танишиб, у ҳатто эълон қилишга ҳам арзимаслигини тушундим. Бироқ Беруний Алимовни яхши билганим ва ҳар қандай ҳолатда ҳам эркин фикр томонида туришига ишонганим учун ҳам қуйдаги фикрларни эълон қилишга қарор қилдим...

«Бундан уч-тўрт кун олдин facebookда Беруний Алимов: «Оламшумул сенсациялар жамиятда «ахборот очилги»ни келтириб чиқаради» сарлавҳаси билан қуйдаги фикрлар берилибди. (Матнни ҳеч қандай ўзгаришларсиз ҳавола қиляпман.) «Фейк янгиликлар узоқ вақтдан бери давом этаётган стереотипларни янада жонлантириб, жамоатчиликда нотўғри фикрни шаклланишига таъсир қилмоқда. Фейк ёки ёлгон хабарлар, афсуски, замонавий ҳаётнинг бир қисмига айланиб улгурди. Уларнинг тан олиншига эса жамиятда бу каби хабарлар, дунёвий фитналар, турли сенсацияларга талаб борлиги билан ҳам характерлидир. Замонавий оммавий ахборот воситаларидан нафратланмайдиган жамоатчилик фикрини манипуляция қилиш ҳақида кўп гапириш мумкин. Бир нарса аниқ: оламшумул «сенсациялар» аудиторияда «ахборот очлигини» келтириб чиқаради. Мен бу каби аудиториянинг «совуқ бош» функциясини ёқишларини ва уни дезинформация билан ифлослантормасликни истардим. Танқидий фикрлаш ва скептицизм билан тўйинган соғлом ОАВ ададидаги маълумот билан тўйинишини хоҳлардим.» Шундай кейин хорижий медиа-эксперт Питер де Туанинг худди шу мавзудаги фикрлари берилибди. «Қачонки инсонлар оммавий ахборот воситаларида онгли равишда ёлгон ахборотларни тарқатса, улар демократик жараёнларга путур етказиб қўйишади. Сохта янгиликлар атайин

БЕРУНИЙ АЛИМОВнинг «фейк», «стереотип», «манипуляция», «сенсациялар» ёки «совуқ бош», «функциясини», «ёқишларини», «дезинформация» каби сўз ва иборалар қўллаганини қандай тушуниш мумкин. Мен ана шу матнни хорижий тахлилчи фикр-мулоҳазалари билан солиштириб ҳам чиқдим. тарқатилганда шундай бир вазият юзага келадики, эндиликда одамлар кимга ёки нимага ишониш ёки ишонмасликни билмай қолишади. Бу шунга олиб келиши мумкинки, журналистлар муҳим ҳақиқатларни очиб берадиган чуқур изланишларни олиб борсалар ҳам, аудитория алаоқибат кимга ишонишини билмай қолади. Бу оммавий ахборот воситаларининг назоратчи сифатидаги ролига таъсир кўрсатади ва ўз навбатида, демократик давлатларда жамоатчиликнинг ахборий хабардорлигини таъминлашда жиддий оқибатларга олиб келади. Шунингдек, инсон ҳуқуқлари борасида ҳам шунини айтиш мумкин. Шу билан бирга, агар аудитория ҳақиқий ва сохта ахборотларни ажрата олмаса, жамоатчилик назорати салоҳияти заифлашади.» Ана энди таниқли журналист ва олим номидан берилган хабарни бир тахлил этиб кўринг, матнда қанча хато ва гализликни кўряпсиз? Унча катта бўлмаган хабарда қанча хорижий сўзлар ишлатилди? Айтинг, шу тўғриси, агар биз худудлардаги журналистлар ёки блогерлар хато қилсак, ўша кун бошимиз балога қолади. Аммо Беруний Алимовнинг «фейк», «стереотип», «манипуляция», «сенсациялар» ёки «совуқ бош», «функциясини», «ёқишларини», «дезинформация» каби сўз ва иборалар қўллаганини қандай тушуниш мумкин. Аммо интервю олган журналист қозоғга туширган дейиши мумкин. Аммо интервю олувчи бир ёки икки сўзда адашган, хато қилган ёхуд бир-икки сўзни бузиб ёзган бўлиши мумкин. Бироқ у ўнта «хорижлик» сўзни ўзича ихтиро қилмагандир? Айтмоқчиманки, тилимизнинг софлигини сақлашда оддий ўқувчи ва ҳатто биз ҳам Беруний Алимовдек устозлардан ўрнак оламиз... Агар улар қўштирноққа олиб бўлса ҳам «сенсация» сўзини ишлатишса, «манипуляция» сўзидан бемалол фойдаланишса ёки «аудиториянинг «совуқ бош» функциясини ёқишларини ва уни дезинформация билан ифлослантормасликни истардим» деган тушунарсиз жумлалардан фойдаланиш-

са, унда кимдан ўрганамиз тилимизни асрашни. Мен Беруний Алимовнинг вилоятимизда ўтган бир семинардаги маърузасини эшитиб, у кишига ҳавас қилгандим. Юқоридаги хабарни ўқиб, очиги иккилиб қолдим. Илкони бўлса шу фикрларимни эълон қилсангиз... Ҳа, чиндан ҳам қизиқ мурожаат. Бир қарасанг эълон қилишга ҳам арзимайдигандек, аммо масалага кенгроқ ёрдашсанг... Ишончим комилки, бу «матн» ижтимоий тармоқдан олинган бўлиб, уни кимдир эълон қилган ва сарлавҳага таниқли олим Беруний Алимовнинг исми-шарифини қўйиб эълон қилган. Энг қизиғи, Б.Алимов таъкидлаганидек, шу йўл билан гўёки «сенсация» қилган. Хабарда қайд этилган «ёт» сўзларни ҳам бемалол таржима қилиш мумкин эди... Аммо исми-шарифини маълум қилмаган ҳамкасбимиз бир масалада ҳақ. Тилимиз софлигини сақлаш, уни ривожлантириш, энг аввало тилшунос олимлар, адабиётшунос устозлар ва журналистлар зиммасига жуда катта масъулия юклайди. Бу фикрни ҳаммамиз, ҳатто таниқли олимимиз Беруний Алимов ҳам қўллаб-қувватлашларига шубҳа қилмайман.

Умид АРСЛОНБЕКОВ

Худудий кенгашларда

Навоий вилояти: Энди «Янгигазғон»да қудуқлар тик туради



Халқ депутатлари Конимех туман кенгаши депутаты К.Ергешбаевнинг депутатлик сўрови асосида «Янгигазғон» овулидаги 20 та хонадонга ерларни суғориш мақсадида тик қудуқлар қазийш учун кредит ажратилди. Бу билан юртдошларимиз муаммосини оз бўлса-да, бартараф этишга ёрдам кўрсатдик, — дейди депутат.

Хоразм вилояти: Бепул курсда ўқишни хоҳлайсизми?



Партия Хонқа туман кенгаши ташаббуси билан 40-умумтаълим мактабида кам таъминланган оила фарзандлари учун «Хизмат—беминнат» лойиҳаси доирасида бепул ўқув курслари ташкил этилди. Унга дастлаб 10 нафар ўқувчи жалб этилиб, уларга Word, Excel ва PowerPoint дастурларида ишлаш сирлари ўргатиляпти.

Тошкент шаҳри: Зарринага 50 йиллик муаммо «чўт» эмас...



Тошкент вилояти: Депутат ҳам, ҳомий ҳам ўзимиздан



Бўстонлик туман кенгаши депутати Ш.Нишоннинг саъй-ҳаракати билан Болада қишлоғига тоза ичимлик суви қувурлари тортила бошланди. Депутат аҳоли мурожаатидан сўнг бу масалада туман «Сувоқова» МЧЖ раҳбариятига депутатлик сурови юборган эди. Таъкидлаш лозим, ушбу савобли ишнинг амалга ошишида партия фаоли Ф.Ахоров ҳомийлик ёрдами кўрсатибди.

Блогер минбари

ХАТОЛАРДАН ХАТОЛАРГАМИ?



Table with columns for '1. Равшан', '2. Прочтите текст и выпишите...', '3. Прочтите текст и выпишите...' and '4. Прочтите текст и выпишите...'. Includes a small table with numbers 1-5.

Кеча бир гуруҳ ота-оналар мактаб дарсликларига йўл қўйилаётган хатолардан нолиб гапирдишди. Сиз кўриб турган расмлар 4-синфларга (рус тили) мўлжалланган математика дарслигининг олинган. Дарслик «УЧИТЕЛЬ» ИЗДАТЕЛЬСКО-ПОЛИГРАФИЧЕСКИЙ ТВОРЧЕСКИЙ ДОМ»да чоп этилган. Бешинчи марта қайта нашр этилибди (Халқ таълими вазирлиги тавсияси билан). Тўғри, ҳар қандай ишда хатолар бўлиб туради. Лекин «сештье её» (её юборинг) ва «вести себя как сука» (ўзини фохишадек тугути) қабилдаги хатоларнинг дарсликда бўлиши ниҳоятда кулгули ва ачинарли. Менда дарсликнинг электрон нусхаси ҳам бор. Мазкур масала бўйича Халқ таълими вазирининг биринчи ўринбосари Усмон Шарифхўжаев қуйдаги мазмунда муносабат билдирди: «4-синф математика китобининг таржимаси ҳали нашриётдан берилмаган. Ота-оналарга эса электрон версияни вазирлик тарқатмаган. Буни кимдир ўз ташаббуси билан қилган. Рус тилидаги версия таржимаси якунига етказилмоқда. Муаммо нимада: китобни нашриёт муаллиф билан бирга яратади. ХТВнинг яратиш жараёнига алоқаси йўқ. Лекин ХТВ олдинги нашрдаги хато ва муаммоларни тўплаб, нашриётга берган эди. Улар муаллифдан ўзгаришни талаб қилишганда, муаллиф ўзгартирмаслигини маълум қилган. Бунинг оқибатида, ХТВ ва нашриёт бошқа мутахассисларни жалб қилиб, китобни (ўзбекча версиясини) тўғирлашга мажбур бўлган. Энди таржимаси қилинмоқда. Яқин ҳафтalarda электрон версияси тарқатилади. Яна бир бор айтаман, интернетда тарқатилган скрин ва версияларни нашриёт ҳам, ХТВ ҳам тарқатмаган. Ким қилган, кимга бу масалада «хайп» кўтариш керак эканлигини ҳам билмадик».

https://t.me/Zafarbek\_Solijonov







